

# BENEVENTO-TARDE = 2 A 0.. JE' CCHIU' FORTE 'U STREGA CA 'U SAMMARZANE

L'ha mann't Aldo "Diecipalazzine"

lunedì 26 gennaio 2009

Ultimo aggiornamento lunedì 26 gennaio 2009

E ssine! &lsquo;U liquore Strega téne 40 gràde. &lsquo;Mbèce &rsquo;u Sammarzane ne téne sùle 34. Vuscke de cchiù quidde ggiàlle ca quidde gnùre. Eppure &lsquo;u liquore de Gesèppe Borsci ha nàte ind&rsquo;u 1840 e quidde de Alberti ind&rsquo;u 1860. Ma le napoletàne dicéne ca &lsquo;u lòre jè &lsquo;u liquore cchiù andiche d&rsquo;u múnne&hellip; seeeeee ma scè grattàte &lsquo;u cùle alle scimmie. O&rsquo; pallòne site cchiù ffòrte vuje ma &lsquo;u liquore nuèstre jè megghje. Se sàpe, Benevènde jè &lsquo;a tèrre delle strèghe. Se dice ca addà se ngundravène ste strèghe e decevène: « Unguento unguento mandame a la noce di Benivento supra acqua et supra ad vento et supra ad omne maltempo. »

&lsquo;U Tàrde avève accumenzàte a sciucà aggarbàte. Bèlle! Allègre, allègre. Ma cumborme (non appena) &lsquo;u Benevènde ha fàtte &lsquo;a prime azzione.. hòne salàte le peperùsse. Gol! 1 a 0&hellip; Mannaghje d&rsquo;a Sampdorje! &lsquo;A squadre d&rsquo;u Tàrde no riuscive a purtà &lsquo;a palle all&rsquo;attacche. Nu sbuènne d&rsquo;ammujne a cendrocambe, ma de pàlle nnànze manghe l&rsquo;ombre. &rsquo;U Benevènde n&rsquo;achiùdève tütte le spazzie e fuscevène accòme &lsquo;a na saète. Purtàvène &lsquo;na camàsce (fiacca) le sciucatùre nuèstre. Specialmòde a defèse a trète ca parève a tre cilindre. Ind&rsquo;u Benevènde sciucavène CEJAS, COLOMBINI E DE LIGUORI (ca scettàve fuèche). Sciucatùre nuèstre de l&rsquo;anne passàte ca quidde scungegnàte d&rsquo;u Presedende s&rsquo;ha vennùte pe ncassà casckavèdde (quattrini). SPINELLI ève stutàte&hellip; ehehe&hellip; e mànghe mmijenze, &lsquo;nu cristiane ca fàce fatijà le meròdde (la mente). O&rsquo; secònde tiempe parève ca avemma pareggià ma ame pigghjàte &lsquo;u secònde gol grazie a quidde muèrte abbevesciùte (risorto) di MIGLIACCIO. Tenìme &lsquo;nu sciucatòre ca téne &lsquo;u cognome de quèdda citàde ca no sse po&rsquo; dicère. Se chiàmme DI (capoluogo della Puglia) ca ha fàtte chiangère. Beh cu quidde cognòme ca se jacchiè ce putève fa? Ehehe&hellip; Hòne trasùte MICCO, MAROLDA e ALI&rsquo; LOLLI&hellip; sine accusi se chiàmme &lsquo;u cristiane. &rsquo;A veretàde, tène &lsquo;u nòme de nu càne: Aliiiiiii Aliiiiiii! Avijne aquà! Aliiiii dàmme &lsquo;a zàmpe Aliiiiiii. Già l&rsquo;hòne numenàte Alijeeeee (ulivo) e speriàmme ca fàce l (olio) bbuène st&rsquo;Alije ce no nu mangiàmme c&rsquo;u pàne. Beh! Addevedèrce a tütte, bèlle e brutte&hellip; e &lsquo;nu pernàcchje o&rsquo; Cape Redattore&hellip; all&rsquo;amicizziè però! Ehehe&hellip;